



Inatsisartunut ilaasortaq
Kristian Jeremiassen
-/maani

§ 37 naapertorlugu Inatsisartunut ilaasortap, Kristian Jeremiassenip, Siumut, Qasigiannugit peqqissaaviata sullissinera pillugu apeqqutaanut allakkatigut akissutit.

16. maj 2012
Suliapnr. 2012-065994
All.Upp.Nr. 903404

Inatsisartunut ilaasortap apeqqutaanut qujavunga.

Postboks 1160
Oqa: 34 50 00
Allak: 32 55 05
3900 Nuuk

Apeqqutit makkuupput:

Email: pn@nanoq.gl
www.nanoq.gl

1. **Peqqinnissaqarfiup iluarsartuuteqqinneqarnerani maannamut suut pitsaagutaasimappat ajoqutaasimappallu nunarput tamaat isigalugu?**
2. **Qasigiannugit Peqqissaaviat eqqarsaatigalugu Peqqinnissaqarfiup Qullersaqarfia qaammatini tulliuttuni ukiunilu tulliuttuni sunik pilersaaruteqarpat?**
3. **Qasigiannugit Peqqissaaviani sulisut 2010-miit qassit soraarpat, taakkulu soraartut taarserneqassappat?**
4. **Qasigiannugit Peqqissaaviani sulisut taaseraallutik sulisarnerat (vagt-ordning) qanoq inissisimava?**
5. **Ajutoortoqartillugu napparsimarujussuortoqartilluguluunniit ualikkut nal. sisamat kingorna unnukkut unnuakkullu piareersimanissaq qanoq aaqii-vigineqarniarpa?**
6. **Peqqissaavik Qeqertarsuup Peqqissaaviullu Qasigiannugit suut assigiin-gequtigaat?**

1-imut)

Peqqinnissaqarfimmik nutarterineq Nunallu immikkoortuinut aggornilersuineq, tamatumalu kingunerisaanik peqqinnissaqarfiup aaqqissuussaanerata allannguutaasa siunerta-
raat innuttaasunik peqqinnissakkut sullissinermi pitsaassusissaanillu siunertat ajorse-
riartingikkaluarlugit isertitassatut aningaasartuutissatullu missingersuutit unammillernartut
atorlugit peqqissaanermik sullissinerit pitsaanerpaat pilersinneqarnissaat. Peqqinnissa-
qarfimmik nutarterineq peqqinnissakkut sullissinermik annertusaanertut qulakkeerin-
ninnertullu isigineqassaaq, pingaartumik nunaqarfinni isorliunerusunilu, ullumikkullu atorfinni
pingaarutilinni sulisut paarfakaaffigisaanni ilaatigullu utaqqiisaagallartumik atorfeqartunik
amerlasuunik sulisoqarfiusartuni.

Immikkoortortaqarfiit annerusut sulisunit peqqinnissamik ilinniagalinnit kajungerine-
qarnerusartut nalinginnaasumik naluneqanngilaq. Nunanit allanit ilisimasat takutippaatigut
piffissami sulisunik peqqinnissamik ilinniagalinnik amigaateqarfiusumi nutarterinermik
piviusunngortisinerup innuttaasut siaruarsimasumik najugallit peqqinnissakkut sullinne-
qartuamissaannik isumanaarinninnermut qulakkeerinneqataasartoq. Kiisalu nutarterineq
inuiaqatigiit nunatsinni katitigaanerat naapertorlugu peqqinnissakkut sullissinerup
naleqqussarneqarnissaanut periafissiivoq, tassa allatut oqaatigalugu inuppasuit piffinniit

piffinnut allanut nuuppata, taava isumalluutittaaq nuunneqartariaqarput. Taamatut pisoqartillugu taava peqqinnissamik sullissinermi assigiingittoqalissaaq.

Napparsimmaviit minnerusut sullissineranni annikilliliinertut aallaqqaataani misigineqarsinnaassaaq, uagulli qularinngivipparput Nunap immikkoortuani napparsimavimmiit qaninnerpaamiit sullissineq peqqinnissamik ilinniakkatigut ilisimasat innuttaasullu sullinneqarnerat pitsanngoriaateqassasut. Innuttaasut sullinneqarneranni teknologi nutaaq ilinniartitaanermullu pilersaarutit annertuut ineriartortitsinermik tamatuminnga ikorfartueqataassapput. Nunap immikkoortuani napparsimmaviup qullersaasutut akisussaaffigaa nunap immikkoortuani najugaqarfanni tamani innuttaasut peqqinnissamut neqeroorfigineqarsinnaanerat, tassa imaappoq assersuutigalugu maleruagassat atuuttut naaportorlugit nakorsamit ikiorneqarneq, pillorissarneqarneq, akiuussutissaliinerit, tunillatsissimasinnaasunillu ujaasinerit pineqarput.

2-mut)

Nunap immikkoortuani pisortat ukiup kingulliup ingerlanerani Qasigiannugit Peqqissaavianni ineriartorneq immikkut ittumik malinnaavigisimavaat. Peqqissaavik nalinginnaasumik nakorsaatit atorlugit peqqissaanermik suliassat immikkut samminerullugit siunissami suliassanut piareersimanissaa, tamatumunnga ilanngullugit peqqinnerulersitiniarneq pinaveersaartitsinerlu, qulakkerniarlugit misissueqqissaarfigineqarsimavoq. Misissueqqissaarneq taanna aallaavigalugu sulisunut ineriartortitsinermut pilersaarut suliarineqarpoq, sulisut tassunga atatillugu nutaanik suliaqalertussaaammata: inuunerissarfik, meeraaqqerinermi ikiorti, portørit, oqalutsit, allaffissornikkut sulisut sulisullu ilinniagaqarsimanngitsut. Upalungaarsimaneq allanngunngilaq, nalinginnaasumilli suliffiusumi nal.ak. atorsinnaasat annertunerpaaffissaanniitinniarlugit, innuttaasunut nal. 16-ip kingornatigut tassanngaannartumik nappaateqalerlutik peqqinnissaqarfimmu/peqqissaavimmut saaffiginnittunut siunnersuinerit ilitsersuinerillu, Aasiaat Napparsimmaviannit ingerlanneqartassapput. Qasigiannugani peqqissaasumit nakorsamilluunniit sullinneqar-nissamik pisariaqartitsisoqartillugu, Qasigiannugani pigaartuusunit soorunami isumagineqartassapput.

3-mut)

Piffissami november 2010-miit maannamut sundhedsassistenti ataaseq, peqqissaasut sisamat, sundhedshjælperi ataaseq nakorsarlu ataaseq Qasigiannugit Peqqissaavianni atorfirminnit soraarsimapput.

Sulisut atorfirminnit soraarnerisigut atorfiillu inuttaqartinneqarnissaat suli pisariaqartinneqarpat, atorfiit inuttaleqqinneqartarput. Peqqissaavimmi suliassat allanngorsimanageri pissutaallutik atorfinni inuttaleqqinneqartussani suliassat allanngortinneqarsimasinnaapput.


4-mut 5-imullu)

Upalungaarsimaneq allanngunngilaq, nalinginnaasumilli suliffiusumi nal.ak. atorsinnaasat annertunerpaaffissaanniitinniarlugit, innuttaasunut nal. 16-ip kingornatigut tassanngaannartumik nappaateqalerlutik peqqinnissaqarfimmu/peqqissaavimmut saaffiginnittunut siunnersuinerit ilitsersuinerillu, Aasiaat Napparsimmaviannit ingerlanneqartassapput. Qasigiannugani peqqissaasumit nakorsamilluunniit sullinneqar-nissamik pisariaqartitsisoqartillugu, Qasigiannugani pigaartuusunit soorunami isumagineqartassapput.

6-imut)

Peqqissaavinni marlunni taakkunani upalungaarsimaneq assigiippoq. Peqqissaavinni suliasat inuttaqartitsinermut naleqqussagaapput, suliasallu innuttaasut amerlassusiannut innuttaasunilu nappaatigineqartartunut naleqqussagaallutik. Assigiinngissut ullumikkut misigineqartoq tassaavoq Qeqertarsuarmi peqqissaavik ukiut kingulliit pingasut tallimallu ingerlaneranni innuttaasut ineriartornerannut peqqissaaviullu suliasaasa allanngornerinut ingerlaavartumik naleqqussaasoqarsimammat. Taanna naleqqussaaneq Qasigiannuani ingerlanneqarsimangilaq, kisiannili 2012-ip ingerlaneranni ingerlanneqassalluni.

Inussiarnersumik inuulluaqqusillunga


Agathe Fontain

Ilanngussaq: Peqqinnissaqarfiup nutarterneqarnera pillugu nassuiaat 2010